

Petsa: Nobyembre 24,2024

Pag sugat sa Tuig sa lubileo 2025: Mga Pilgrim sa Paglaum

Mga hinigugma Kong igsoon sa Diyosesis sa Kyoto

Ang grasya sa Tuig lubileo 2025

Ang Tuig sa lubileo sa Katoliko nga Simbahan gilamdagan sa kapitulo 25 sa libro sa Levitico sa Daang Tugon. Kini usa ka bulawanong nga kahigayonan alang sa mga Hudyo nga nagahimo kada 50 ka tuig diin ilahang gisaulog ang ilang kagawasan gikan sa pagkaulipon ug pagbalik sa yutang gisaad. Niadtong tuig 1300, giendorso ni Santo Papa Bonifacio VIII ang unang selebrasyon niini sa Katolikong Simbahan. Sukad niadto, ang Tuig sa lubileo gisaulog kada 25 ka tuig, nga nagatuyo nga ang matag mananampalataya makasinati niini isip usa ka mahal nga grasya sa ilang kinabuhi.

Ang Tuig sa lubileo usa ka panahon nga nag-awhag sa pag-usab sa kinabuhi. Sa tibuok tuig sa selebrasyon sa lubileo, ang Simbahan nagahatag og lain-laing oportunidad sa mga mananampalataya aron modawat ug indulhensya, ang grasya sa pagbayad puri nga may kauban nga kapasayloan sa mga sala. Pinaagi sa mas lawom nga pagtuo, pag-ampo ug sa pagbiyahe, makab-ot unta hingpit nga indulhensya ug kapasayloan sa mga sala pinaagi sa pagsunod sa mga balaod niini. Ang Tuig sa Jubilee nga gisaulog sa tibuok Simbahan naghatag og pagkahiusa nga nahimong dalan aron mapalig-on ang relasyon sa matag magtotoo.

Ang Pagpadayag sa Tuig lubileo 2025

Sa dekretong gipagawas niadtong Mayo 9, 2024, gitawag ni Santo Papa Fransisko ang Tuig sa lubileo 2025 nga “mga pilgrim sa Paglaum.” Gisugdan kini pinaagi sa paggamit sa sulat ni Apostol San Pablo ngadto sa mga taga-Roma, “ang paglaum dili makapakyas” (Roma 5:5). Matud niya: Gisultihan ni Apostol San Pablo ang mga Kristiyano sa Roma. “Sa Espiritu sa Paglaum, si Apostol Pablo naghatag ug kusog sa Kristohanong komunidad sa Roma sa naay paglaum. Nagasuporta ako sa mga pilgrim sa Paglaum nga mosalmot sa selebrasyon sa lubileo sa Roma, ingon man usab, bisan tuod dili makaadto sa lungsod nila Apostol Pedro ug Pablo, magselebrar niining panahon diha sa mga simbahan nga gihatagan ug katungdanan sa matag Diyosesis sa kalibutan alang sa paghinumdom niini. Hinaot nga kini nga selebrasyon mahimong oportunidad alang sa tinuod nga pagtagbo kang Ginoong Hesus, ang “Pultahan” (cf. Jn. 10:7,9) sa atong kaluwasan, diin ang Simbahan gihatagan ug katungdanan nga magpadayag. Hinaot kini nga

panahon mahimong usa ka buhi ug personal nga pagtigom. Ang Simbahan adunay misyon nga iwali ang Ginoong Hesus nga “amoang paglaum” (1 Timoteo 1:1) sa tanan, bisan unsang oras ug bisan asa.

Naglaum si Santo Papa nga ang mga magtotoo mapahinumduman sa gugma ug paglaum sa Diyos, aron sila usab makahatag ug paglaum ngadto sa mga naa sa presohan, mga masakiton ug suporta sa kabatan-onan, kalingkawasan ug edukasyon alang sa mga refugee ug migrante, pakighiusa ug pagsinabtanay taliwala sa lain-laing henerasyon, ug taas nga pagrespeto alang sa mga kabus.

Ang Timaan sa Paglaum

Ang upat ka imahe sa logo sa Tuig sa Lubileo 2025 nagrepresentar sa tibuok katawhan sa kalibutan. Naghatag ug nagpakita sa pakighiusa sa tanan. Si Kristo nga naa dala nga Krus ang nag-una. Ilalom kanila ang mga balod nga nagpakita sa mga kalisdanan nga atong giatubang sa atong pagbiyahe sa kinabuhi, samtang ang taas nga Krus nagsilbing angkla, nagrepresentar sa paglaum ug pagbiyahe uban ang pagtuo.

Nakita ni Santo Papa ang Tuig sa Lubileo nga usa ka oportunidad aron makita nato ang “mga timailhan sa panahon” ug nag-awhag kanato nga makita ang mga maayo nga butang sa kalibutan imbes nga hunahunaon nga nadaog nato ang dautan ug kasamok. Sa makatuwid, kita gi-awhag nga ilisan ang panan-aw sa “timailhan sa panahon” ngadto sa “Timailhan sa Paglaum” ug mosulong nga adunay kusog nga pangandoy nga masaksihan ang kaluwasan nga gikan sa Ginoo.

Sumala niini, si Santo Papa naghangyo alang sa kalinaw, tapuson ang giyera ug dili pagsinabtanay, nga ang kwarta magamit dili sa pagpamalit ug mga armas sa giyera, kondili kini gamiton isip global nga pondo alang sa pagwagtang sa kagutom. Nag-awhag usab siya sa pagkansela sa mga utang sa mga kabos nga nasud nga walay kapas nga makabayad. Sumala sa (Hebrews 6:19), “Kini nga paglaum maoy lig-on ug matatag nga angkla sa atong kinabuhi.” Kini usa ka panawagan nga dili mawala ang paglaum nga gihatag kanato, kondili makita nato ang atong lugar diha sa Diyos ug magpabilin dinhi.

Ang Pag-abli sa Tuig sa Lubileo ug ang Lubileo nga Pultahan (Porta Santa)

Sa Tuig sa Lubileo, adunay tradisyon nga ang mga manlalakbay moadto sa upat ka mga Basilika sa Roma ug mosulod sa “Lubileo nga Pultahan” nga ablihan ra sa mga tuig diin kini saulogon . Kini nga kasinatian naggikan sa pagtulon-an nga si Kristo mao ang pultahan sa atong relasyon sa Ginoo ug ang “Dalan, Kamatuoran

ug Kinabuhi” padulong sa Amahan. Ang mga manlalakbay nga mosulod sa pultahan nga kini nagapadayag nga si “Kristo Hesus mao ang Ginoo.” Kini usab usa ka paghinumdom sa kapasayloan nga gihatag sa Ginoo aron kita magkinabuhi sa bag-ong kinabuhi.

Sa umaabot nga Disyembre 24, 2024, Martes, sa gabii sa bisperas sa pag katana sa Ginoo, ang lubileo nga Pultahan sa Basilika ni San Pedro ablihan ni Santo Papa nga mao usab ang timaan nga opisyal nga sugdan ang Tuig sa Lubileo.

Ug sa sunod nga Domingo, Disyembre 29, sa Kapistahan sa Balaan nga Pamilya, ang lubileo nga Pultahan sa San Juan de Lateran ablihan. Sa mao nga adlaw, base sa direktiba ni Santo Papa, opisyal usab nga ablihan ang Tuig sa Lubileo sa Diyosesis sa Kyoto pinaagi sa Banal nga Misa nga pagabuhaton sa katedral sa Kawaramachi. Sa Enero 1, 2025, Miyerkules, kapistahan ni Maria, Inahan sa Diyos. Ang lubileo nga Pultahan sa basilika sa Sta. Maria Major, ug sa sunod nga Domingo, Enero 5, 2025, sa kapistahan sa Epipanya, ablihan ang Jubilee nga Pultahan sa St. Paul Outside Walls.

Gawas sa San Pedro, ang tulo nga lubileo nga Pultahan isira sa Disyembre 28, 2025, Domingo, isip timaan sa paghuman niini sa mga gamay nga simbahan nga komunidad. Samtang sa Enero 6, 2026, Martes, ang lubileo nga Pultahan sa Basilika ni San Pedro isira isip timaan sa opisyal nga paghuman sa selebrasyon sa Tuig sa Lubileo 2025.

Mga Simbahan nga Gihatagan ug Katungdanan sa Diyosesis sa Kyoto

Ang pilgrimage usa sa dako nga elemento sa lubileo, ug naglaum ang Santo Papa nga sa umaabot nga lubileo, magpadayon kini nga masinati sa mga “mga pilgrim sa paglaum” pinaagi sa tradisyonal ug kontemporaryong paagi sa pagbiyahe.

Ang mga Banal nga Lugar alang sa Pilgrimage sa Diyosesis sa Kyoto mao ang mosunod: Katedral sa Kawaramachi, mga simbahan sa Miyazu, Fukuchiyama, Nara, Otsu, Suzuka, ug Yokkaichi.

Ug sa mga naay pagkabaldado(kapansanan) ug mga tigulang nga walay oportunidad na maka biyahe, mahimo sila modawat ug indulhensya sa Tuig sa Lubileo pinaagi sa pagdawat sa Banal nga Komunyon o sa pag-apil sa Misa, pag-ampo, o pinaagi sa pagtan-aw ug paminaw sa mga pulong sa Ginoo sa telebisyon ug radyo.

Indulhensya

Bisan pa man kita makasala ug mapalayo sa dalan sa Ginoo tungod sa atong mga kahuyang, ang kalooy sa Diyos gipakita pinaagi sa pagpasaylo sa atong mga sala. Ang pagpasaylo sa mga sala kasagaran nga gihatag sa Sakramento sa Kumpisal, apan aron mawa ang mantsa, ang “penitensya” kinahanglan pinaagi sa pag-ampo o pagbuhat og maayong buhat base sa rekomendasyon sa Pari. Ato’ng hinumduman nga ang indulhensya usa ka exemption gikan sa “penitensya” ug dili kini kapatawaran sa sala.

Sa kasagaran, alang sa mga buot modawat sa indulhensya, kinahanglan nga gawas sa mortal nga sala ug may pagpakig-uban sa kasingkasing sa Diyos. Mangumpisal, magsimba, magpahayag sa pagtuo, mag-ampo alang sa Santo Papa, simbahan, ug sa kalibutan. Ang indulhensya dili lamang alang sa kaugalingon; mahimo usab kini ihalad alang sa mga kalag sa mga nangamatay isip usa ka buhat nga kabuutan para sa mga patay.

Kataposan

Ang Santo Papa nag-awhag nga kita mahimong mga mga pilgrim sa paglaum sa atong pag-atubang sa Tuig sa lubileo 2025. Sa atong Diyosesis, atong gamiton kini nga oportunidad aron mapanalipdan ug mapalig-on ang atong paglaum ug pagtuo, aron masinati nato ang gugma sa Diyos, ug mapadayon ang paglaum bisan pa sa mga lisod nga kahimtang nga atong ginaatubang karon. Magpinasayloay kita sa mga kasaypanan nga nahimo nato sa nangagi ug magmalig-on nga magpadayon sa pag-uswag, nagtinabangay sa espiritu sa sinodalidad.

Alang sa dugang impormasyon, mahimo mong bisitahan ang opisyal nga websites sa Catholic Bishops’ Conference of Japan ug sa Diyosesis sa Kyoto.

✝ Labing Halangdon Paul Yoshinao Otsuka, D.D.
Obispo sa Kyoto